

563  
103.

# DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICO-CHIRURGICA.

QUOD LIBETARIIS DISPUTATIONIBUS,  
*manè discutienda, in Scholis Medicorum, die Jovis sextâ mensis  
Martii, anno Domini M. DCC. LXVI.*



M. MICHAËLE-LUDOVICO VERNAGE, Equite &  
Censore Regio, Doctore Medico, Præside.

*An rescisso Testiculo, funiculum spermaticum ligaturâ constringere valum?*



IRAM fati necessitatem homini dum imposuit natura, vim sui repro-  
ductricem ipsi concessit, ut quo passu vivendo ad mortem properaret,  
eodem in natos vitam, vim, & robur transmitteret. Quâ propter organis  
generationi comparatis illum muniri provida, testibus putâ, vesiculis  
feminalibus ductibusque variis, quibus ab illâ in aliam partem vel depor-  
taretur semen prolificum, vel per vulvam in uterum posset vibrari.

Inter illa verò primas tenent testiculi, quorum sicut situs, figura, numerus, magni-  
tudo & usus maximè nota, ita & intimior structura & facultas contra quos sua  
quoque fert auxilia dietetica; cum verò plurimi ita horum vim eludant, ut sæpè  
sæpius nullâ victûs ratione possint oppugnari; solemtem manum tunc adhibet ars  
*quæ instrumentis medetur*, seu illa setaceis partem transforet, seu cauteria admoveat,  
vel puncturas, scarificationes aut alia id genus pro morbi naturâ & indole instituat.  
Verum enim verò ubi semel altius ita serpit malum ut nulla recuperandæ sanitatis  
spes supersit, tunc citò citius ad rescissionem testiculi confugiendum, quam tamen  
absque præviâ vasorum spermaticorum ligaturâ, vix celebrari posse non nulli con-  
tendunt, aliundè licet in arte periti. Hanc verò praxim nulla secum ferre com-  
moda, imò periculis & gravioribus plurimùm fore obnoxiam affirmare non dubi-  
tamus.

I I.

NIL intentatum reliquit anatomistarum industria, ut testium ultiores recessus  
pererraret, atque spermatis secretionis nodum solveret. Qui labores, quæ didy-  
mium sectiones, macerationes, injectiones, nullam licet circâ seminis elabora-  
tionem lucem effuderint, attamen in dignoscendis & sanandis illorum morbis, vel  
complicationibus, multum præstitere.

A vasis spermaticis originem ducunt testiculi, glandulæ species, quos ideo vasa  
spermatica longius producta, atque in gyros multiplices intorta lubenter dixeris.  
Peculiaribus inclusæ vaginulis singulæ illæ circumvolutiones, fasciatim ita inter se  
componuntur, ut ex illis variæ crescant testium partes, didymes putâ & epididy-  
mes. Hos autem cingit triplex tunicarum genus, scilicet, albuginea tunica, quæ inter-  
ior: vaginalis quæ medium tenet: & quam scrotum vocant, alijs exterior, cras-

rior & firmior. Porro vasa ex quibus sobolescent glandulæ; venosa & arteriosa, nervis ubique muniuntur. Sunt & alii canaliculi epididymibus continui deferendo spermati comparati & funiculi spermatici compositionem ingredientes. Tubulos subindè lymphaticos etiam in testiculo reperire est. Arteria ex aortâ oriundæ non nunquam à renalibus procedunt, venæ ex cavæ trunco vel ex emulgentibus, quod sinistro lateri frequentius contingit. Nervi, plexibus nervorum pelvis & lumbaribus natales suos debent. Triplex illud organorum apparatus à posticâ in anticam partem iter faciens tandem transformam muscutorum abdominalium unum & alterum ingient perit; nec infimi ventris parietes feriunt vasa, quin per latera simul coalescant, mediante cellulâri textu, à peritonæo mutuato: quidquid foras semel emersa illa sicut & deferentia ab ipso peritonæo, simul cum continuo testiculo tunicentur, & fibris muscularibus cremasteris fulciantur. At verò spermatica arteria in principio, diametro angustissima, in decursu non nullos ramos emittit, donec ad abdominis annulum usque pervenerit. Indè & dum infimi ventris hæc ostia pulsant, in alios abit ramulos & sic partita, testiculî substantiam subit. Vena quoque ibi etiam loci multiplex, gyris admodum peculiaribus arteriæ ramos amplectens, unâ cum illius propaginibus pyramidale corpus exhibet. Nervi prædictis vasis mirum in modum intertexti, longe lateque hûc & illuc diffeminantur. Neque potest vasorum spermaticorum ulla pars durius tractari, quin molestantur illi vel in minimis suis divisionibus; ex quibus quam superfluum sit & quam periculosum vasa spermatica vincere, sit manifestum.

# I I I.

SICUT multiplex testium apparatus, ita & morbi quibus premuntur illi plures numero; inflammantur enim didymes, humore nutritio vel spermate turgent, aut ipsi marcescunt; cum his etiam tument circumjectæ tunicæ; lymphæ, scilicet, pure, urinâ, sanguine, pneumate forsan, cum in propriis tum in alienis receptaculis plusquam par est collectis, aut parietum factâ disruptione, in ampliores caveas latè diffusis. Humoris contenti diversa indoles, diversum morbum ponit. Hinc fit sarcocoele, spermatocele, hydrocele, hæmatocele, &c. &c. qui affectus cum veli separatim, vel agmine facto testiculum lædant, sunt modò simplices, modò compositi. Adeoque facilius aut difficilîus & dignosci & curari se sinunt. Tot malorum principia iis aliud inquirenda permittimus, quibus servando testiculo idonea medicamenta, ex tempore, in usum advocare fors dat & occasio. Nobis quâ de causâ rescindi debeat testiculus, paucis hic exposuisse sufficiet. Pertinax igitur inflammatio, glandulæ suppurationem, indurationem, gangrænâ, aliavæ secum non rarè fertur incommoda: victu, topicis, cauteriis, aliisque auxiliis adversus hydrocelen licet adhibitis; quandoque partem deturpant, maculæ gangrænodez, quæ si alitius serpent totam testiculî substantiam valent infestare. Aperitis etiam in eodem affectu tunicis, didymibus adnascitur caro fungosa, quæ sæpè ab escarroticorum inconsultiori applicatione, canceri formam induit. Sarcocelen & spermatocelem resolventibus usque validioribus aggrediuntur imperiti; ex topico aquosum quidquid superest distillatur, constringuntur vasa, glandula indurescit, mox crescente duritie in scirrûm & cancerum abitura. Corruptitur sanguis in hæmatocele vel minùs cautè educitur non sine magno partium detrimento. Pus intra tunicas vel in ipsâ didymi substantiâ congestum hunc vel depascit, vel depascere minuitur; remorâ malum ingravescit, jamque vel in toto, vel ex parte perit testiculus. Quidquid urina ipsa ab uretræ disruptione inter tunicarum lamellas effusa, ad tempus licet educta gangrænâ post se relinquat, subjecto testiculo insensissimâ, Ut sexcenta alia mittamus. Gravius fit malum, vel levius juxta modum quo spermaticus læditur funiculus; sic ubi minor est inflammatio, nec infarctus vasorum nimis, neque illius læsio aliùs ascendit, agro aliundè sano, læta prognosis habetur; secus, dubia hæc est admodum & periculosa. Verum in hisce rarum angustis, testiculum citò citius rescindere suadet ratio, necessitas jubet. Idcirco

3

eum digitis apprehensâ cûte & corrugatâ, quâ parte muscûlorum abdominalium annullo incumbit, super illam fit sectio eaque à prædicto loco ad infimam usque scroti partem recto tramite solet extendi. His præmissis scalpelli ope, aut digitorum ministerio testem cum vaginâ à scroto quàm citiùs diducunt, dein vasa spermatica vinculo duplici vinciunt, interpositâque ab inferiori ligaturâ semipollicis distantia, funiculum secant, scroto aliundè integro detecto, aut parte illius tantum resectâ, si tumorem ibivolucrum illud plus quod distraxisse judicat operator. Vides quanam sit vulgarior operandi methodus, nunc quibus hæc vitii prematur audi.

I V.

**D**ESCRIPTAM operandi methodum non modò infidam, imò nocivam declarare non animi pendet; namque ferro, vel manibus dum testis à scroto separabitur, major undique fiet fibrarum distractio, gravioribus proindè cruciatibus torquetur patiens, neque à relictâ scroti substantiâ minùs erit metuendum, hæc enim inflammari, vel in suppuratum aut gangrænam abire facillimè poterit; quin imò tunc temporis novus ille morbus novam expostulabit operationem, & quæ uno ictu rescari potuissent, inutiles scroti reliquæ, bis terve repetitâ vice venient excidendæ; hinc iteratis doloribus, ægotans denuò cruciabitur, vitæque illius magis ac magis erit in lubrico reposta, nî de illâ jam sit actum. At verò sola hæc ne credas esse incommoda, aliud premit tantò gravius, quantò huicce, jactâ semel aleâ, obviam iræ difficiliùs fit. Vasorum spermaticorum ligaturam intelligimus; hæc quâ ratione instituaturnon itâ dilucidè patet. Finis quidem est ut imminens præcaveatur hæmorrhagia: aut sicut cum periculo rariùs occurrunt illæ sanguinis jacturæ, ita & perpauci admodum habentur, si qui sint, ab illis functi. Nunc verò noxas à ligaturâ oriundas sedulò perpendant illius fautores & quantus sit victimarum numerus paulò attentiùs videant, mox ipsi de suâ praxi dijudicent. Atque ut de illâ paulò fusiùs differamus; vel sana funis, vel moribosa dum deliganur vasa spermatica; si sana nec plus æquo dilatata, puerilis pavor, metus inutilis (§. II.), proindèque amovenda superflua cautio. Si moribosa, infectu, inflammatione aut utroque simul laborant; quæ turgent igitur materiâ maturè sunt expurganda, vel inflammatio relaxantibus, emollientibus, paregoricis est compefenda. Crodis à ligaturâ id obtineri? Contra: vinctus intumescet funiculus, crescet illius ingurgitatio, præsens inflammatio vires acquirit, absens, partis distractione, aut puncturis, imò & ab ipsâ ligaturâ, citò citiùs accersetur, convulsiones quoque non rarò choream ducent; dolor ad lumbos usque, nervorum ope protractus, futuram suppurationem indicabit; pus interim, vel à topicâ inflammatione vel à refluâ materie per ligaturam retentâ ibi colligetur, & æger ad plures migrabit (a).

His omnibus obviari venit simplicior, mitior, imò solertior operandi methodus, pro quâ strenuè militat omni laude major *M. Petit*. Manibus cute contractâ in loco à foramine muscûlorum abdominis haud dissito, sectioneque ibi institutâ, à dextris modò, modò à sinistris circulariter ad infimum usque scrotum altius hæc protenditur. Eâdem arte, cum scroto unius lateris, inclusum testiculum ab altèro sicut & a funiculo separatur. Secta vasa spermatica sibi relinquuntur, vel si uberius prorumpat sanguis cum agarico tractantur, Totaque sic absolvitur operatio. Hoc autem processu ingeniosè admodum præconcepto recensiti vitantur scopuli, funiculus scilicet & citiùs & benigniùs suppurat, dolor in operando fit mitior, nec ægotanti ulteriores metuendæ veniunt incisiones. Unde fit ut perpaucis diebus convalescat ille, adeò præstantior est is operandi modus, adeò cæteris longè antecellit.

(a) Tres in anno vidit miseros. *M. Petit* de quorum testiculo rescindendo cum ægeretur, secto semel funiculo spermatico, pro more hunc deligavit, Chirurgus, multum licet adversante viro celeberr. At duobus ferè abhinc mensibus, è mediò tollebantur ægotantes. Aperto illorum cadavere, circâ totam vasorum spermaticorum longitudinem collectum pus hærebat; & sub pancreate abcessus delitescerebat, magnitudine insignis, & distensione abdominis parietibus vim faciens; Attamen nec piùs fuerant didymes ulceratæ, nec à statu sano recedebant vasa spermatica dum instituta fuit operatio, imò & inter ægotantes erant duo, 25. annorum circiter nati, robusti admodum & vegeti. Alter 43. annum æquebat, aliis paulò delicatior, de cætero non minùs benè se habebat.

**I**NCONCUSSIS licet rationum momentis innixa sit nostra hæc opinio, quædam tamen adversus illam objici possunt argumenta, quæ licet à præjudicatis opinionibus originem ducere videantur, nihilominus paulisper sunt perpendenda. Quo pacto, quibusque circumstantiis institui debeat ligatura, ex sequentibus nonnulli definiunt. Vincula, ut aiunt, semper injicienda quâ parte funiculus naturalem crassitiem servat. Neque annulum musculorum abdominis dilatare timeant, si usque illuc prænaturalis crassities pertinere. . . . Eam cautelam præcipue commendant, si æger Cachochimia aliquâ laboret, atque ex vulnere sanguis ater-sætiens prodierit; in eo enim casu, ne in cancrum vertatur, quod plurimis observationibus constat, summe pertimescendum est; idque sævè perperimus est, quando didymus ipse cancro laboravit\*. At verò, illorum pace dixerim, si semper in sanâ parte sit refecandus funiculus & deligandus, cautela certe inutilis est, hocque ex dictis (§ II) abundè patet. Nocebit & quoque in morbofo funiculi statu, quod non modo ab allatis rationibus (§ IV), sed etiam ab ipso contrariorum testimonio comprobatur. Nec sicuti volunt in abdomine ipso sunt secanda & vincienda vasa spermatica: Nihil ex illo pertimescendum videant illi tandiù voluerint, horumce opinionioni apertè contradicit expertissimus & oculatissimus Heister; etenim si vasa spermatica propè annulum vel in ipso annulo ligentur, metendum est ne inflammatio ad partes internas procedat\*.

Sunt qui vinciturarum noxis rectius edocti, nec tamen hæmorrhagiæ metum deponentes, filum per funiculi crassitiem trahendum suadent, in hoc & valorum & nervorum constrictionem vitare simulque si quâ fortè, sanguis copiosius erumperet, promptius fluxum illius se moderare posse existimantes. At cum ex hac præxi etiam fortius tractetur funiculus spermaticus, & sit magis hæc amovenda læso funiculo, nec eo benè se habente etiam necessaria videatur, illâ satius est omnino abstinere. Nunc perpenis argumentis ex utraq; parte propolis, exposito successu Peritana methodi, clariùs notis infortuniis adversam methodum subsequenteribus, non ità facile cum auctoribus, arduam & eventu infelicem castrationem dicimus; imò hanc ablegatâ semel ligaturâ, periculo plurimum vacare, experientiâ duce, censemus. Idèque concludimus;

Ergo resciso resculo, funiculum spermaticum ligaturâ constringere malum.

## DOMINI DOCTORES DISPUTATURI.

M. Stephanus D'HUAME.

M. Natalis-Nicolaus MALLET, Chirurgia Professor.

M. Natalis-Maria DE GEVIGLAND, Regiorum in Germania Ducum & Militum Noscomiorum nuper Medicus.

M. Josephus DUSSANS.

M. Franciscus-Ludovicus-Thomas D'ONGLEE.

M. Franciscus-David HERRISSANT, Regia Scientiarum Academia, Regique Societatis Londinensis Socius.

M. Joannes-Armandus ROUSSIN DE MONTAUBOURG, Scholarum Professor designatus.

M. Guillelmus FUMÉE.

M. Carolus Franciscus BOUTIGNY DESPREAUX.

Proponerebat Parisiis JOSEPHUS-JACOBUS GARDANE, Massiliensis, Doctor Medicus Montpelienfis, necnon Saluberrimæ Facultatis Medicinæ Parisiensis Baccalaureus, Theosophs Auctor, A. R. S. H. 1766. A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1766.